

英山縣志卷之五

姜元桂編

兵防志

兵制 巡警

兵事 關寨

團防 險要

兵可百年不用不可一日無備此古今不易之論也秦夷封建為郡縣歷代因之設防置守區畫明密久則文恬武嬉隱患叢伏潢池盜弄漬潰金隄甚者蚪虎方驚風雲交作英際三省要衝故自元迄明明迄清鼎革之交輒與兵事相終始惟民國光復不用兵力而自致於共和則天人感應之速也然安不忘危痛定思痛凡清代中興以後關於兵事之大者逐一臚書可見五材並用堅瑕之勢有固然也誌兵防

兵制

英山縣志

卷之五

五

兵防志

兵制

一

英山前代屬六安衛分鎮明初駐都司一員尋撤至崇禎十五年始設副總一員千總一員把總一員清順治二年設駐防守備一員兵一百名康熙十三年增防官兵二百名置都司一員後裁去今定屬六安營參將額設分防英山縣把總一員領步戰守兵九十三名內公糧九名養廉六名字識一名弓箭三十名鳥鎗三十四名藤牌八名乾隆十八年奉文派撥茅草畝兵弓箭一名鳥鎗三名比年六安營分撥駐防茅草畝千總一員領步戰守兵三十名十九年知縣李春明詳請增馬兵四名奉文准撥共額設馬兵四名步兵八十九名

演武場

小教場東門外  
大教場南門外



茅草畝營房二十間乾隆十八年署縣李天璽建又營房十間  
二十年知縣張海建

東鐵爐均汛營房三間烟墩三座牌樓一座守兵五名  
西落梨河汛營房三間煙墩三座牌樓一座守兵五名  
南鷄鳴河汛營房三間烟墩三座牌樓一座守兵五名

以上三汛俱係城守營把總分撥

北界嶺汛營房三間烟墩三座牌樓一座守兵五名

新添爛柴溝汛官廳三間營房三間烟墩三座牌樓一座守兵  
五名

新添草盤地汛官廳三間營房三間烟墩三座牌樓一座守兵

英山縣志

卷之五

五

兵防志

兵制

二

五名

以上三汛俱茅草畝外委分撥

咸豐三年兵燹後城守營把總茅草畝外委各額兵增減無定  
所有口糧自咸豐四年起至同治三年止均由地方籌給同治  
四年把總外委始奉文領額設兵餉惟各汛房墩牌樓盡行殘  
毀城守照舊領設步戰守兵在城操演外委照舊領額設步戰  
守兵在茅草畝操演

警備隊

民國二年省令設立警備隊爲地方保衛緝探之用每縣額定  
八十名四五十名不等次年春因遭白匪之亂防衛尤急郭知



事成均蒞任後呈請整頓保衛募選隊勇四十名十人一排爲四排正隊長一員正目四名伙夫五名並請領槍械按步兵操演朝夕教練奉批准照辦按章編制月餉由正供支給三年製定衛隊帽服圖式及說明書各一件著爲定例

兵事

按舊志另標兵燹各目載入雜類志後語多重複事涉駢枝今併爲一門參合而哀輯之

周襄王六年

楚成王二十六年

楚人滅英

九年

魯僖公二十七年

春齊人徐人伐

英氏

齊爲徐伐英氏以報婁林之役

南北朝梁太宗大寶元年九月邵陵王綸奔齊昌侯景兵襲之

綸自江夏奔武昌營巴水今巴河屯於齊昌今蘄州任約遣叱羅通襲之

陳宣帝大建五年四月將軍吳明徹將兵擊齊取江北數郡

英山縣志

卷之五

五

兵防志

兵事

三

陽合肥廬江西至高唐齊昌英時爲齊昌地

十一年十二月周取陳江北地

時江北地盡

沒於周英亦沒

五年冬羅田賊王玉二掠英南境燒三吳東嶽廟遠近

騷然隨復率義士夏仕仁等逐至黃岡感化村破之擒玉二並

僞官余羊保親解京師

明孝宗宏治七年盜起英山夏朝彰擒之送京師十年春固始

賊張圯等攻西門知縣陸玘典史李華追至得勝山擒獲之十

二年盜起主簿徐璋承檄築土城

穆宗隆慶三年海寇二十七人由江浦入六安走霍山西逼英

山境霍人王國祥兄弟子姪共百人追戰於羊角尖斬首五級

生擒一人餘皆遁



神宗萬曆 年黃州賊劉汝國侵英山尋滅

莊烈帝崇禎八年正月三十日夜流賊破縣治焚殺擄掠僵屍

盈野十年四月流賊由英歷霍至潛七月復由潛太去湖廣十

一年十二年流賊不時掠英野十三年三月流賊南營至英踞

北鄉石壁舖西程燦灣賊老回回左金王治世王曹操草裏眼

乏食陽欲就撫適職方監軍楊卓然至堅意十四年五月五營

撫之安插斬太故南營盤踞於英播毒甚烈

賊叛二十八夜南營賊乘狂風驟雨襲破新城知縣高在崑死

之擄守將吳斌焚殺三日六月土賊四起各立營日晝夜打擄

殺人為糧時貢生聞可宗避難鄰邑及歸家九月練總肆虐是

巡撫鄭二陽立團毬法一家被盜九家護救一家為盜九家連

坐奈縣缺正官暴民遂藉此殘賊良善妄行殺戮焉英邑流

英山縣志

卷之五

五

兵防志

兵事

四

寇蹂躪至是七載民無廬舍恒立砦堡然英砦山山山連接處處  
可通且多無水易於破滅每一砦破多者數千人少亦五六百  
人殺戮之慘古所未有 附邑貢生聞可宗請賑呈為懇恩賜  
賑以救殘黎以全廢邑事英自崇禎八年連遭寇亂縣治久墟  
後蒙皖院史遷立章家砦堡稍集遺黎不幸去歲賊黨南營盤  
踞一載有餘牛種盡擄東作俱誤復於五月二十八夜襲破砦  
城殺死士民無算並殺知縣高在崑擄守將吳斌致縣無印主  
土賊橫行劫掠之慘十倍於寇又兼蝗旱交害顆粒無收疫癘  
為殃人民半歿下情蝸蟻日沸苦於道阻難通上臺賑恤縱懸  
抑亦鞭長不及鄉兵因而肆虐土庶無以聊生或入戎行或自  
削髮或乞丐他邑或傭工遠方甚至殺人相食易子析骸之慘  
處處皆然又有扼吭自絕捨生就死之情人人欲涕遂俱堅移  
食之思已無復生還之想今幸新任縣令鄭加意招集百法撫  
摩但還土之民枵腹鳩形無以延喘數月且春耕之際牛乏種  
缺何以自給秋冬欲軫民依亟求上恤思縣治無久廢之理則  
耕田納稅斷有藉於民生而難民無自全之謀則給牛發種實  
仰祈乎賑資况時當耕作播種方興若復半月羈延難活一方  
生命懇憐奇阨急救倒懸賑發粥食以延餘生量給牛種以圖  
秋穫庶俾載有備遺黎得冀秋成之想而稼穡可期殘土不為  
荒廢之區矣具書上呈 又呈為僻邑亘古大變難民慘殺異



常懇賜撫勦急救倒懸事英邑界處萬山死賊蹂躪八載於茲  
在在舊縣因無城郭屢經殘破崇禎十年蒙皖院史創立新城  
居民獲有寧宇高知縣泄任捐俸加築練兵守衛堵禦兩載屢  
獲奇功不意死賊自去年三月至英盤踞一年有餘於今五月  
二十八夜三更時分乘狂風驟雨數百人由東門突進大肆焚  
殺時守禦練總各自星散典史賴統兵力戰身受重傷高知縣  
同吳守備紮營西門與賊死戰不勝以致守將被擄知縣抗節  
身亡一時殺死者男婦千有餘人燒燬者官民一朝而盡士民  
逃奔於山原老稚輾轉於溝壑惟望賊去苟延餘生豈意乘機  
土賊四起三鄉各立營目有花馬南營新營之稱羣兇擁立帥  
主分大王二王老營隊之號晝夜打擄千百成羣器械猪牛既  
剽掠以無遺衣物稻糧復搜括之殆盡此情此苦比之流寇受  
害更深又於六月大湖楊監軍差陳某到縣覓徒亡命假名投  
兵播毒四海是英之百姓慘殺於流寇者更剝於土賊劫於投  
兵自崇禎八年以來未有如今日之慘者也念出地蕪矣蝗騰  
遍矣已無復西成之想然廬址存焉墳墓在焉尚深切首邱之  
思英雖僻土俱屬王民百姓不忍去之他鄉上墓豈忍置之膜  
外懇憐異變速賜救援選才能署官兼行撫勦庶無主之眾勢  
不至於逃亡而羣起之蜂變不釀  
於合寇矣爲此激切痛哭具呈

英山縣志

卷之五

兵防志

兵事

五

英地褊力薄適當兵衝明末流寇盤踞新城一役土著人不滿  
千數清代入關之初卽已設官置吏順治二年十二月明樊山  
王常叅自蘄州入英山襲太湖破之與長江義兵會合其部下  
以所屬降常叅死蘄水斗方山寨太湖司空山寨皆失五年明  
故涪川縣知縣羅人王燝起義於英蘄之交破廬州用永歷年  
號經營皖鄂與江浙義兵張煌言等應和相持五年之久俘至  
江甯不屈死補舊志

清順治四年楚賊程孟穎倡亂侵英殺戮異常五年春二月英  
山土賊將發知縣史良植往郡乞師邑人程元竊據六年八月  
程元敗知縣史良植領兵歸英至北鄉石頭齋遇穎賊伏發被



執不屈遇害尋穎賊亦爲楚憲所滅

乾隆中有馬朝柱者於其兄弟中行三人稱馬三或傳其曾於夜中攫取靈狐丹吞之有飛空隱形諸幻術一日能往返燕京佃江姓田江人憂之具牒抵縣令請究未允

十五年馬朝柱亂謀益急據英霍羅麻商城交界之天堂山深嶺爲窟穴以英山天馬砦爲黨眾勾合之地陽以開山燒炭號召陰則假捏神符惑眾作偽書僞示散劄招軍積鑲製械有四川峩嵎山西陽砦匪爲其響應復與安徽太湖桐城亳州河南開封等處匪黨羣相結約插血吞符編名策籍儲軍火以待發於是兩江總督尹繼善奏請剿撫前來營於同里金家鋪捕得

英山縣志

卷之五

五

兵防志

兵事

六

其黨太湖胡相五等俱斬之先後得朝柱之母妻子姪及黨目二百餘人起出硝磺軍械等物無算凡數月而事定朝命繼善詳議善後以聞善奏請設巡檢一員於英山同里之七引店設千總一員於茅田今茅草畝令每歲會合鄰境多雲巡檢僧塔千總巡徼二次以清餘孽有警許直達行省其馬朝柱一犯仍由部懸格購緝數十年未獲有人傳其潛峨嵎山寺爲僧然自是役後山寨遂由守土官禁令毋許耕牧樵採至今有探幽者尙見當時逆蹟如馬槽石臼等具淪於蔓草云

咸豐三年春知縣祝昌奎聞粵西髮賊攻陷湖北省城諭派各

鄉分起團練以備不虞

廣西賊洪秀全聚眾作亂由長沙順七流而東二年十一月陷武昌踞其城



月初一賊由羅田竄英練勇拒於樂利河不勝賊繞城過由隘口嶺出竄太湖十月賊復至瓦寺前張貼偽示練勇擒獲穿黃馬褂賊九名俘至城南河下斬之舊兵燹志載八名十二月初二賊由蘄水竄英約近萬眾練勇迎仗於安里瓦蓋牆敗潰練首蔣槐斗遇害賊遂一路燒殺至城城陷不數日賊由安里瓦寺前退竄留賊目何開貴踞城樹偽旗貼偽示偽號真天命太平天國逼造偽冊分軍師旅卒伍偽職是時鄰境均屬賊藪往來如織無非賊衣賊冠紅黃色統稱兄弟城內壇廟未經盤踞者多半拆毀又有偽聖糧館羅賊踞蘄水朱油河程家畝等處與何賊相爲狼狽來英索錢索米聲稱打貢安里一帶蹂躪尤甚地方紳

英山縣志

卷之五

兵防志

兵事

七

士仇抗不從者遇害數人縣王朝東暮西無立脚處備文赴廬

向撫憲請兵

時皖城陷撫憲駐廬

四年閏七月二十一日博李兩刺史奉檄來英密約三里士紳督同團練合力會剿始逐羣賊克復城池何賊逃練勇追斬於蘄春界白陽溝四月蘇縣王秀槐蒞任十一月初四日賊由英太交界之隘口嶺竄入將犯英城守城練勇列陣於東門外東嶽廟前一帶拒之賊不得逞數日仍退歸太境時何桂珍觀察率河南勇開化勇勇目李兆壽帶同馬四馬五薛老小張茂等多人名曰豫勇到英紮城內民房糧餉就地籌辦十二月進剿太邑豫勇先行將及太境辛家沖敗潰回紮英城



五年四月賊自蘄春入英由安里徑竄同里竹坳頭孔家坊馬家畝黃林沖等處一路燒燬民房無算擾及羅界縣主蘇分飭練勇會合羅勇由曹家山樂利河兩路出攻賊夜遁五月賊由兩蘄分路竄入何觀察率所部營勇會合團練攻拒擒獲賊首田金爵旋派豫勇約五百人進勦蘄水在洗馬畝地方與賊接仗敗潰張茂被殺敗勇退保英城後豫勇自行撤隊回籍路經何里出霍一路均遭蹂躪縣主蘇備詳撫憲福札飭拏辦時何觀察率開化河南等勇移駐同里馬家畝十月初旬原豫勇目復帶勇約近千人由霍出英向何觀察苦求投効比盡留營文報撫憲豫勇遂由馬家畝入城仍紮民房何觀察亦隨後入城

英山縣志

卷之五

兵防志

兵事

八

駐小南門劉宅諭令團練守城撤退河南開化等勇紮城外河之南豫勇紮北門城邊縣主蘇駐凌雲書院時兩蘄潛太均被賊踞十月賊從蘄春打虎厰竄入經團練堵禦僅掠南鄉而去十一月初四豫勇變兵備道何桂珍知縣蘇秀槐兩公均遇害縣印失豫勇踞城內改樹黃旗與蘄水賊聯絡聲援在城局紳多被羅執三里士紳同懷義憤互起團練四面兜圍勢將殄滅初十日協力攻勦忽大霧晝視如夜變勇潛竄蘄水追之不及先是四年十一月二十四日兵備道何桂珍帶開化勇及新招勇目李兆受所帶數百人名曰豫勇來英駐紮二十餘日籌捐錢米預備攻太湖十二月十五入太湖豫勇先行將及太邑辛家沖聞賊至遁回英城後退紮同里葉家灣供應一切悉索不堪五年四月豫勇自行撤歸北路由霍經過沿途搔擾尤甚事聞上憲諭令拏辦復向何營投効求救何憲納之一同移紮城



內開化勇紮城外五年十一月初四日豫勇變何道憲桂珍及蘇縣主秀槐均在公館遇害同時死者英山把總焦及何道隨員前舒城知縣婁業士書啟高其變勇踞城改樹僞旗三里士紳同懷義憤普提團練四面兜圍初十日兆受率變勇出城各團協力進攻適值霧起晝暗如夜隔丈餘彼此即不相見時兩斷均屬賊巢兆受先與斬賊暗中聯絡霧散追之不及變勇潛竄斬水 附錄曾國藩撰何桂珍殉難碑記嗚呼軍興十載士大夫君子橫死者多矣獨吾友何君丹畦尤深痛不忍聞自古以來未有行善獲禍如是之烈者也豈不悲哉君以咸豐四年五月由翰林院侍講上書房行走走出爲安徽寧池太廣兵備道時則安慶暨濱江府縣淪沒賊中廬州新立行省亦陷於賊副都御史袁公軍臨淮提督何公巡撫福公軍廬州君當之官不克南渡袁公欲資君以兵西會楚師福公亦具疏留君江北檄君募勇出征公私匱乏沮傷百端最後得二百餘人率之以西至霍山徵集潰兵團勇三千餘人推誠獎勵遂以十月二日大破捻匪李兆受於城東追至麻埠又五日至流波碰商城固始團練堵其北金家寨團丁禦其東而自率所部遏其西捻黨洶懼李兆受與馬超江等相繼投誠挺散脅從遠近大悅環三四縣皆輸猪雞糗糧金錢之屬聲終宵不絕先是大府帥檄君救援廬江檄未至而城先陷至是奉被劾革職之命軍士懷不

# 英山縣志

## 卷之五

### 兵防志 兵事

九

能平雖百姓亦惘惘也方楚師之出岳州而東也克武昌下黃州破田家鎮水陸電邁席捲千里其後塔齊布羅澤南兩軍由黃梅南渡以圖九江賊遁北岸而上復陷斬黃窰武漢自長淮以南天柱內外所在蜂屯君以孤軍流離西與楚師不相聞東與廬州大府隔絕朝不謀夕嚙指誓眾五年正月進攻斬水克之又分軍克復英山又殲劇賊出金爵大府帥以君西征有效疏令留駐英山君出師至是凡入閱月僅支見銀三百兩士卒及民團相從者增至三千人又益以李兆受新降之眾無以爲食居無帳幕雨無薪米附郭無居民遠近無援亡傷無以爲卹始十人賦麪一餉繼而削減半之旣而又半之而賊益盛日提饑卒轉戰不得休五月十二日軍敗徒行泥淖中鄉民或哀而進食雖強自振勵然憊甚屢揮發氣體亦少餒李兆受者故反側持兩端感君忠勤不忍遽背負絕糧旣久怪君無以活之意望甚又同時降人馬超江爲匪徒所殺怨官不能捕誅以抵罪也則大戚議爲超江復仇設位受弔捻黨畢集於是安徽河南兩省皆以此受復叛入告而縣令亦懸賞購兆受頭千金受亦不自安匍伏詣君自陳無他君撫慰稍稍綏定矣會大府帥有密書抵君教以圖翦叛賊毋後人發爲兆受所得遂陽爲置酒高會而伏兵戕君於英山之小南門遺骸殘燬同遇難者四十七人咸豐五年十一月初三日也君諱桂珍字丹畦雲南師宗



人道光甲午科舉人戊戌進士翰林院編修丙午提督貴州學政旋晉侍講入直上書房數抗疏陳軍事得失推本君德又采朱子真西山大學之說傳以己意引申條例手繕成帙隨疏奏進君之意嘗以爲聖人者無不可爲功無不可就獨患人不自克不能竭其心與力之所竟耳及君出而蒞事饑餓經年而百戰不息倘所謂自克者耶竭心與力而不遺者耶卒其獲禍如是之烈而或不免身後之餘責然則爲善者何適而不懼哉咸豐十年國藩屯軍江北詢君患難馳驅之所乃立石英山綴以銘辭俾來者有考焉銘曰饑寒逼身難顧廉恥聖王不能安其民慈母不能撫其子况於揭竿烏合之徒亡命歸誠之始倏順忽逆朝人暮豕封豕負塗積疑張弧鋸牙鉤爪殪我宏儒赤舌燒城死有餘議羣毀所歸天地異位悠悠之口難可遽勝我銘諸石少待其定上

訊三光下訊無竟

六年二月葉縣主傅樾蒞任稟請將縣署移駐同里徐家套續移駐夾鋪議訂章程隨署設一總局爲糧局設三總局爲兵局選紳辦理并飭局紳帶勇守城四月賊由英太交界之隘口嶺

### 英山縣志

#### 卷之五

兵防志

兵事

十

竄入廣里七月賊由蘄水竄入安里八月賊由蘄春楓樹坳竄

入安里

是年髮賊三次竄英先後盤踞均踰旬日時縣署移駐同里安廣近城一帶蹂躪不堪均經練勇擊退雖勝負不一傷殘究亦甚眾

七年四月賊首偽英王統賊數萬人自霍竄英練勇禦於張家鵞敗潰賊由大路出蘄水經安里練勇剿襲尾陣擒殺數十名奪落馬匹甚夥五月賊首偽輔王又率大股賊十餘萬由霍入境取道英山出蘄蘄水累日旬絡繹不絕適李方伯孟羣率帶營勇自湖北赴安徽任過境札飭練勇會合營勇在金家埠馬家畝等處連日要截尾股分途剿襲殺賊數百名生擒百餘名奪獲馬匹旗幟無算兩月後大營移勦六霍糧臺仍駐英山九



月周縣王宗文蒞任奉李方伯札調練勇一千二百各自備資  
斧赴霍堵禦逾月撤回

八年二月二十一日偽英王統大股賊從操家嶺出東河大路  
竄入霍山連走五日練勇堵禦不克遇害者數十人

係照舊志  
兵燹志載

云出楚  
者誤

四月初二大股賊數萬又從操家嶺竄英練勇一戰於

麓溪沖一戰於鐵鑪坳一戰於王家河皆失利賊橫直焚燒七  
十餘里民房十不存一勇丁男婦被擄被殺傷手傷足或自投  
水死或被賊坑埋種種傷殘幾無數計後因練勇沿山埋伏不  
時剿襲未被久踞均於二十八日退竄太邑五月何縣王家驄  
蒞任六月十三日賊自潛山竄入詹家河陶楊二河蕭家河一

### 英山縣志

#### 卷之五

五

兵防志

兵事

十一

帶大肆擄掠練勇追擊旋轉竄七月楚軍統領趙克彰何紹彩  
兩總兵率營十座又馬隊營一座紮安里大畝河飭調團練坊  
守潛太兩界兼探天堂賊蹤

九年八月余協鎮際昌移紮霍邑包家河潛邑天堂兩處軍裝  
米糧由英轉運十二月初八日湖北撫憲胡林翼駐營城南門  
外一里沙舒都統馬隊駐大畝河

十年四月都將軍興阿馬隊駐城東北澗河胡撫憲移紮城內  
飭修東關牛鞞嶺遠望嶺西關武顯廟等卡各營分紮前路八  
月二十四日都將軍赴揚州十二月初十日胡撫憲移節太湖  
轉運糧臺仍在英邑



十一年二月余協鎮際昌在霍失利潰勇由英轉出湖北賊首偽英王偽玕王亦由霍出英全竄蘄水一路均遭蹂躪六月十二日偽英王偽玕王復擁大股賊自安慶上竄分竄兩蘄勢窮蹙將竄英境三里練勇禦於雞鳴河周家坳界河等處連絡結營賊未犯境

同治元年黃縣主光彬蒞任統領鎮軍莫率營八座紮石頭觜二年十一月王縣主佑蒞任

三年五月大股賊由蘄羅窺英七月賊復大股自蘄羅竄入蔓延百餘里勢甚洶湧盤踞近月邑遭荼毒無完土練勇力不能持籲請上憲發兵派蔣觀察凝學率營八座由同里石頭觜金

英山縣志

卷之五

五

兵防志

兵事

十一

家舖移紮城內二十八日賊前股竄近城一帶蔣軍會合守城團練出城攻擊賊退堅守兩月不時迎勦又前統領後任撫憲英暨鎮軍郭率營十餘座紮同里石頭觜夾舖一帶四面堵勦爲功甚鉅後蔣軍出紮蘄水英撫回防霍邑賊復由蘄春太湖竄入英境十月初二日親王僧格林沁率馬步官軍派分三路一鼓迅追環撲英太潛霍交界一帶地方殺戮與投降者不下

數萬是年五月大股賊數十萬竄踞羅田蘄水橫亘百餘里時擾英界知縣王佑屢請發兵堵禦七月二十五日蔣道憲凝學奉調來英駐石頭觜二十七日移駐城內二十八日賊入境沿鄉擄掠大肆猖獗民房燒燬火光燭天營勇祇能堅守城內居民驚懼異常遠則奔走渡江近亦流離異地父子分途夫妻異路依巖傍谷露宿棚棲溝壑傾頽及被擄被殺者均無數計後安徽藩憲陞任撫憲英總兵郭率營十餘座紮石頭觜夾舖八里山等處與前紮城之蔣軍聯絡聲援相機堵剿克餓稍



平九月初旬賊退竄各軍赴調逃散者陸續還歸計圖生聚十月初一日大股賊匪又由潛太竄入突然而來洩避不及幾成坐以待斃之勢適僧親王統馬步官軍先由兩蘄分路進剿賊大界兵亦至一鼓迅追無分晝夜直逼潛霍交界一帶地方四面環圍就戮者無算乞降者數十萬分路遣散英邑及四路殘黎幸獲保全僧親王之力也邑人蔣開第等十餘人倡捐建祠於西門以祀之每歲以十月初一日爲祭期並於是日衣冠鼓樂出游神主沿街香燭迎祀各日報恩會歷年賊擄莫如此次慘毒兵亦莫如此次神速

十月二十四日統領提督何紹彩率營七座紮城

內外三十日王縣主佑積勞病故捕廳洪啟護理十二月盛縣

王安蒞任

四年四月何營勇因缺餉起釁幾至生變月餘號令不行經縣主紳士設法接濟至六月始行遣散五月張縣主達五蒞任十二月二十六日鎮軍王開勝率營二座駐城

英山縣志

卷之五

兵防志

兵事

十三

五年四月王軍移紮六安

六年三月統領提督黃秉中統營二十餘座紮西湯河七星坪一帶五月統領太守方長華率營四座紮七星坪

此時地方業已肅清迨方營撤去團練隨即遣散軍務平

自咸豐三年賊初入境至同治五年兵差始竣十數年中始而髮逆竄擾繼而捻匪蹂躪風聲鶴唳迄無寧歲人民愁苦難以殫述茲僅記其大略云

光緒三十四年三月二十二日阮匪夜入城劫獄焚官署學堂及民房殺數人脅送餉犒平且繞鷄鳴山東湯河至楊柳灣燒天主堂二十三日黎明警勇追及阮兄弟當場格斃擒斬二十



餘人事定阮匪德樹本邑人嗜賭博無賴以滾賭誣陷作胥役因與賭幫匪結立九公壇於陶家河之南嶽菴扶此請仙煉丹誘眾其斂財也則曰修廟製藥其行劫也則曰助餉購械先一年搶傷事主之案凡數起而縣官某諱盜阮匪已獲而尋釋之及後任石振堦因案挈辦阮匪已不可跡遂收阮匪弟阮恣甚因有此次之變

### 民國光復

清宣統三年辛亥八月武昌起義邑中旅皖者以英當皖鄂要衝請兵駐防朱撫派巡防營管帶蘇景顏陸軍管帶桂丹墀統兵駐英辦防九月十七日皖省光復即推朱撫家寶為都督應鄂者將圖蘇賴桂力保得免知縣王青選以大勢所趨即於是日樹白旗官署供事如故桂撤防回省旋南京光復孫文等稱臨時政府未幾南北議和清帝遜位推袁世凱為大總統國號

## 英山縣志

### 卷之五

兵防志

兵事

十四

中華民國改用陽歷壬子紀元

陰歷十二月初六日為陽歷一月一日南京政府成立陰歷正

月十八日為陽歷二月十二日北京政府成立宣布南北統一

民國三年甲寅正月十六日

陽歷二月十一日

白匪由中界嶺竄英眾

萬餘蔓延邑之西河兩岸周四十餘里期比晚攻城城中商民見官不設備警隊已散內匪蜂集潛與通約兩省防兵均移駐邊隘固圉皆空道路為梗城內民團死力巡緝入夜月明如晝蜂集者猝不能逞十七日早六安巡緝營營長王傳祿率隊追剿急至程章河餅子舖石頭背等處血戰一日夜匪據山險燒民房王軍駐武顯廟卡邀擊前匪之軼過花橋河者因擂鼓巖駐有鄂軍黃營長炳焜兵隊不敢進復退回夜間匪循腰磨畝



爛柴溝等處遁羅邑仍竄河南十八日逃盡是役也殲悍酋一  
匪眾傷亡者不數計邑中居民尙未大遭蹂躪非王營長膽識  
兼優剿捕得力不克有此旋鄂軍旅長張聯陞率兵隊三營到  
英以二營駐鷄鳴河一營駐白羊山該營以匪號白狼因改各別狼山半月後  
移駐英城越三日奉電檄駐英北境與鄂駐羅之滕家埠蔡師  
長軍隊爲犄角同時安武將軍倪亦檄馬師長聯甲丁團長峻  
帥師駐石頭醬堵遏逾月事定江鄂防兵亦先後調往他處王  
營長之前敵受傷者八員死者四十三人均由陸軍部長照級  
優卹其陣亡及受傷各籍載忠節志

七年戊午二月初六日

陽曆三月十八日

突有匪黨百餘人由蘄春入

### 英山縣志

#### 卷之五

兵防志

兵事

十五

境取道邑之南鄉打虎厥松山鋪陶家坊等處黎明薄城據南  
門河外之松林埂憑高施放洋槍彈如雨下縣知事李某先未  
設備警備隊及巡警臨時登陴捍禦不力匪魁數人繞至北關  
架梯進城於便運門迎薰門兩處放火爲號搶開城門蜂擁而  
入劫掠知事署公款奪取警備隊槍枝敲吸商富家財物搜索  
大半日之久日晡始退翌午復至瓦寺前地方搶劫數家席捲  
而去是投也公私損失以數萬計事聞安武將軍倪檄派哨長  
宋兆山顧成龍率隊抵英防堵

八年己未四月二十七日

陽曆五月二十六日

顧軍奉調回省閏七月初

八日

陽曆九月一日

宋軍旋亦撤去



九年庚申六月二十三日

陽曆八月七日

湖南督軍張敬堯

霍邱人

部下

潰兵千餘人由蕪春何家舖出松山舖彭家畝至城南門外皂角樹東門外東嶽廟駐紮城內既無重兵鎮守警備隊僅三四十人幸知事徐錦先事招集民團三十五人每區五人合警備隊纔七八十人而警察不與焉隊長李壽彭合肥人饒膽識欲乘其憊迎擊之知事及各商屢以彼眾我寡沮乃止派員與匪目接洽欸以酒席外給足錢六千餘串商民資本搜括一空次日申刻匪始由同廣兩里分往霍山沿途騷擾窮者逼為鄉導富者被其鞭扑擄人勒贖焚掠姦淫較咸同時粵匪之殘毒殆過之二十五日匪又三百餘人亦駐皂角樹索錢索食相逼而來除供

英山縣志

卷之五

五

兵防志

兵事

十六

應外仍給錢二千餘串次日匪出同里廿七日匪十餘人至需索供應逼近城垣隊長李忿甚擊斃其頭目並傷其悍匪奪其子彈及所劫財物隊長亦受傷亡傳載忠節補遺是日傷匪首一悍匪一比由金家礮居民獲執旗之匪一城內居民率警備隊追至羅界王家河擊斃一共四人時瓦寺前方家觜彭家畝等處之匪不下三數百人吸髓敲膚蹂躪實不堪言狀然亦不敢道經城下七月初一日陽曆八月十四日省派營長張政德率隊由太至英帶有機關槍四枝初二日開往瓦寺前時匪均集於此與匪相持半日槍聲隆隆雖云接仗匪實未傷一人匪仍折回何家舖該處為土匪巢穴次日軍隊由瓦寺前回城道經同里往霍匪仍不時出沒初六



日營長閻統貫帶軍隊兩連到縣初八日開往霍邑初七日省派營長張世賢率軍隊到縣初八日匪數十人由安里太平坳出百丈河欲竄廣里知事得報派張營長軍隊迎擊禁林溝匪遂散布於天花坪一帶山谷間軍隊圍一日之久匪仍分途逸去十一日軍隊回城現駐紮城內

### 團防

古者寓兵於農法制詳備故管子用其法以強齊自秦尙首功經制遂廢兵概出於募召六國既併以爲鋒鏑遂錯孰知隴畝揭竿可以烏合小戎之什豈能駕勝周書哉甚矣養兵之無法也惟歷代民兵鄉團之設差近周禮然臨時取辦事定旋廢無

## 英山縣志

### 卷之五

兵防志

兵事

十七

實行可久之利清代承平之後英民不見兵事者幾二百年洎咸豐三年春粵寇據鄂地與英逼立鄉團以爲防禦七月寇窺英山堵之於樂利河不得入冬寇擾南鄉剿之擒斬賊目九其時縣無戰兵團卒相持年餘寇據不能守僞令無所施未數月而城復顧寇之涎英益急

四年冬皖撫福命何觀察桂珍駐英兵餉無所出全恃鄉團以自固然且迭剿鄰寇爲皖後援豫勇之變與據斬賊通聲氣練勇追之不獲而李捻不敢復至此後鄰邑時爲寇據英卒得保全皆鄉團守禦之力

同治五年事定散團歸農大帥綜其績烈給予優獎



光緒二年教匪起知縣魏申先用保甲法編立鄉團日夜梭巡事平團亦解

三十四年戊申阮匪搆亂蹂躪地方縣令魏業鎔蒞任後酌抽畝捐籌辦團防劃分三里地段爲十二區每區設立團防局各練勇十名續因奉文籌辦自治卽以團防局爲自治局

團復停止

民國二年六月奉令辦民團縣議會舉方幹陳鳳樓爲正副局長於城內城隍廟設立總局募勇四十名逐日操練隸廬六團練使袁先奎管轄照章刊圖記一顆曰英山縣民團總局圖記服裝器械一遵新式其經費由公款撥給

三年正月十六日

陽曆二月十一日

白匪竄英民團邏守頗稱得力是

英山縣志

卷之五

五

兵防志

巡警

十八

年四月奉文歸併保衛隊始行取銷

九年夏五月知事徐錦以湖南督軍張敬堯軍潰英山爲鄂豫要衝先事籌辦團防以資防堵英本七區每區保送五人共計三十五人歸警備隊長操練經費就田畝抽捐六月十五日

陽曆

七月成立

巡警

英山警察局清光緒三十一年成立長警二十名經費由房舖附加捐及契稅附加項下支給

民國元年房舖捐停辦經費支絀遂裁去巡長一名巡士六名隨奉文舉辦民團



二年五月又化團爲警駐文廟後合計警察四十名每鄉區分駐四名不數月時局平定裁去二十名留二十名以符原額三四兩年並未變更增減

五年六月因時局不靖王知事紹烈將警察改編警備隊由知事直轄訓練俾資實用事定警備隊取銷恢復警察原狀其經費仍以契稅附加捐爲的款由地方財政局收入按月發給六年因契稅短絀地方財政局逐年彌墊甚鉅知事劉鎬集紳商會議恢復房舖捐經城內商舖酌認錢三百六十千文按月給交警察所

關寨

英山縣志

卷之五

兵防志

關寨

十九

七引關卽七引司今廢

石門關以上同義老志

朱紫關老志按該關非英有或與太之朱紫關同名異地俟考

柳林關縣東北七十五里

古方關縣東北八十五里英太接壤英地僅佔十分之一爲太北鄉鎮鑰老志

鎮東關縣東北九十里蕭家河保卽牛鞞嶺卡房 鎮西關縣北九十里卽五顯廟卡房

水田山關縣北五十五里與羅田接壤爲英鄂通衢牆垣雖圯石脚猶存補舊志

得勝寨縣西門外明時羣盜攻城官吏率居民拒敵盜奔此山被擒故名舊有砦按廬州府志明洪武丁巳知縣陸

紀典史李華擒固始賊張圯處今查職官洪武中無此二人而弘治中有陸玘李華俱係知縣

上羊角尖砦縣北六十里三方面有路西南石壁萬仞中有關帝廟明末鄉民避兵於此爲賊所破投崖死者數千



人今

下羊角尖砦縣北四十里絕頂兩石如門外臨懸崖石壁窄徑盈尺倚壁行十丈各驚公頂四面皆懸崖復前行

忽得平石昔老君降處見古蹟

天人山寨縣北三十五里自羊角山發脈險峻有砦中有井泉宋鄉民避兵於此鄭天人建因各天人山明時各千

人勝又史閣部捐修築砦更名萬勝堡今圯

密峰尖山寨縣東三十里峯巒羅列甚密今圯

三吳山寨縣南三十里舊為吳姓所居各四口砦今圯

紫臺山寨縣東北九十里端秀穠麗今圯

朝陽山寨縣北七十五里明末鄉民避兵於此苦無水義民余文福文義捐建今廢

古勝山砦縣東北七十里今圯 方山砦縣東北一百一十里二面皆通霍山今圯

英山縣志

卷之五

五

兵防志

關寨

二十一

主簿砦縣東四十里即英武砦四面峭壁取後一徑可攀蘿而上今圯

章家砦縣西北十五里不甚高峻明史閣部可法築城建砦後砦破知縣高在崗於此殉難

白雲砦縣東南三十里今圯 白岩砦縣西北三十五里石壁千仞今圯

師姑尖砦即樓子山 千年勝砦縣西北三十里見州志

古砦縣西北十五里

白牙砦即白崖菴縣西北四十五里明末避寇土人沈國建築石城設四門賊不能入全活甚眾今城基古井猶存

天八砦縣東十里有天菴砦疑即此以上舊志俱詳載山內

同心砦縣東十五里東湯河

游擊砦縣東北五十里與英山尖對峙舊無城堡清同治年間庠生陳定魁督同合地公建石垣東南壁立尤為險峻

英太砦縣東九十里陶家河英太分界處為上方田



徐婆砦

縣東北八十里石頭嘴之南蔡家畝三  
面險阻北連冷家山相傳徐氏婦立

天馬砦

縣東北八十里槐樹坪後

太平砦

縣南三十里龍潭  
吹紫雲山今廢

四安砦

縣南四十五里三吳山黑巖砦  
縣南四十五里界連蘄春金家溝今圯  
里基地猶存

天堂砦

縣北一百二十里多雲山西英霍羅三縣界俗云一  
脚踏三縣惟高寒不可居舊志以多雲即天堂似誤

白馬砦

縣北九十五里腰磨畝北一名五峯山三面峻絕內有  
水田數十畝居民耕鑿相安雞犬桑麻不減桃源風景

鷹窠砦

縣北九十里程章河山小而卑中無田畝  
南石壁間有鷹窠明末為鄉人避寇處

險要

牛鞞嶺卡

門樓一座顏曰鎮東關樓二層俱設礮眼及火鎗大  
鎗窗戶左右橫建石垣左抵山頂右抵河邊設礮樓

一座亦橫以石垣抵山頂左右山頂俱設礮臺地基係蕭姓  
吳姓縣諭領田價稱以公事未受佃人受佃田價若干有案

五顯廟卡

門樓一座顏曰鎮西關樓二層俱設礮眼及大槍火  
槍窗戶左右橫建石垣左抵山頂右抵河邊設礮樓

英山縣志

卷之五

兵防志

險要

一座越河礮樓一座沿  
礮樓石垣直抵山頂

遠望嶺卡

門樓一座左右橫  
建石垣直抵山頂

後花園卡

門樓一座左  
右橫建石垣

以上東西關並各卡係清咸豐九年湖北巡撫胡林翼率兵  
駐英時札飭前陞縣何家驄邑紳方訓葉錄安從諫胡銘胡  
霞舉徐際發方焱三二等  
督工監修 載舊志

長鎮卡

縣東南三十五里打虎廠通蘄春峯巒迢遞林密山深  
清咸豐九年湖北巡撫胡林翼率兵駐英時飭建礮樓

於此遺  
址尚存

長定卡

縣東南三十里楓樹坳通蘄春清咸豐八年  
湖北巡撫胡林翼在英駐營時建礮樓於此

集義東卡

縣北八十五里大栗  
崗清咸豐九年建

集義西卡

縣西九十五里父子  
嶺清咸豐九年建



由義卡

縣西北一百里黃龍山清咸豐十年建上三卡均殘

隘口嶺

縣東四十里毗連太邑之望天馬嘶鋪

操家嶺

縣東五十里毗連太邑之朱紫關

新開嶺

縣東北七十里與太湖界牌

東界嶺

縣東北一百一十里北為霍之王

巖河嶺

縣北一百里北為霍之何家坊南

小界嶺

縣東北一百里東為霍之馬家店西為英之紅花

中界嶺

縣北一百二十里豫楚通衢北為

西界嶺

縣北一百三十里父子嶺土門坳三處起伏聯絡均與

王家界

縣東北六十里在英山尖之東南與

英山縣志

卷之五

兵防志

險要

門坎嶺

縣東北一百四十里東係霍之鶴落坪

棗刺嶺

縣東二十五里楊樹溝上與

界牌石

縣東南六十里有石碑清

土門衝

縣東南六十里疊嶂層巒由仙人臺直下連亘十餘里

路取其便捷越境距蕪春大道不遠用兵時代當注意焉

三十嶺

縣南三十里蕪春界

黃泥塘

縣南五十里東與蕪春毗

西土地崗

縣北四十里金家鋪之左

父子嶺

縣西四十里西

亂柴溝

縣西北八十五里